

Outubro 2018.



Apertura das xornadas no salón de actos da facultade de Filoloxía e Tradución.

## REIVINDICANDO, NO DÍA INTERNACIONAL DA TRADUCIÓN, O CARÁCTER FEMININO DESTA PROFESIÓN

D. BESADÍO DUVI 01/10/2018

Cada 29 de setembro celébrase o Día Internacional da Tradución, unha data coa que lembrar a Jerónimo de Estridón, tradutor da Biblia, e sobre todo coa que crear conciencia sobre a importancia que ten esta profesión nunha sociedade cada vez máis globalizada. Desde Vigo, a Facultade de Filoloxía e Tradución, organiza tamén cada ano diferentes actividades coas que celebrar esta data e este ano, e xa van tres, fíxoo coas *Xornadas Nós Outras. Comportamentos tradutivos*, unha actividade coa que reivindicar o papel das mulleres nunha profesión cada vez máis feminizada. [+Info](#)



Iria Souto, Susana Reboveda, Dolors Molas, Rosa Cid, Nuria Castellano e Agnès García.

## A HISTORIA ANTIGA REESCRÍBESE EN FEMININO

ROSA TEDÍN DUVI OURENSE 01/10/2018

Mulleres que na antiga Mesopotamia traballaban nas mesmas categorías que os homes, como a construción; cinco *faraoas* que gobernaron no antigo Exipto; mulleres que na antiga Roma realizaron as primeiras manifestacións contra leis lesivas para elas, e Safo, a primeira poetisa recordada da literatura da antiga Grecia. Estes foron os catro temas escollidos para abordar este luns na xornada *A muller na antigüidade: perspectivas e reflexións* que celebrou a Facultade de Historia do campus de Ourense. Fronte a unha visión histórica tradicionalmente androcéntrica, o obxectivo desta iniciativa foi visibilizar e reivindicar desde unha perspectiva de xénero o papel das mulleres na antigüidade. [+Info](#)



Cartel das xornadas.

## NA UNIVERSIDADE DE VIGO O TALENTO FEMININO SUMA

DUVI 01/10/2018

Contribuír á transferencia de boas prácticas para a igualdade de xénero no emprego. Facer visibles os factores de desigualdade que inciden na discriminación das mulleres no acceso ao mercado de traballo e axudar ás universitarias a acadar as súas metas profesionais, facilitándolles un primeiro paso para conseguilo. Estes son os obxectivos das xornadas, que baixo o título *O talento feminino SUMA*, organiza, en colaboración con diversas entidades públicas e privadas, a Área de Emprego e Emprendemento da Universidade de Vigo os vindeiros días 9 e 24 de outubro. [+Info.](#)



O investigador Francisco Perfectti recollendo mostras para realizar estudos moleculares no laboratorio.

## DIVULGARE PARTICIPA NUN PROXECTO PARA INVESTIGAR AS EXTINCIÓNS INVISIBLES NAS ZONAS ÁRIDAS DA PENÍNSULA IBÉRICA

DUVI 03/10/2018

As especies endémicas caracterízanse porque a súa área de ocupación está restrinxida a unha zona xeográfica concreta e son especialmente vulnerables á extinción, se o seu ecosistema sofre perturbacións. As principais causas da súa desaparición, como a sobreexplotación dos ecosistemas, a contaminación, o cambio climático ou as especies invasoras, están amplamente documentadas. Pero existe un fenómeno pouco coñecido, as extincións invisibles, nas que se centrará un [novo proxecto de investigación](#) no que están implicados o grupo Divulgare, da Universidade de Vigo, a Estación de Zonas Áridas de Almería (CSIC), as universidades de Granada, Coimbra e Pablo de Olavide e o Parque Natural de Cazorla, Segura y las Villas. [+Info](#)



Argimiro Rojo, segundo pola esquerda, con outros representantes de defensorías que integran a RIDU.

## ARGIMIRO ROJO, ELIXIDO PRIMEIRO PRESIDENTE DA RED IBEROAMERICANA DE DEFENSORÍAS UNIVERSITARIAS

M<sup>a</sup> DEL CARMEN ECHEVARRÍA DUVI 03/10/2018

Unha reunión celebrada en xuño de 2015 en Madrid entre representantes da Conferencia Estatal de Defensores Universitarios de España (CEDU) e da Red de Defensores y Procuradores Universitarios de México (REDDU) sentou as bases para a creación tres anos máis tarde da Red Iberoamericana de Defensorías Universitarias, RIDU, organismo que agrupa a máis dunha cincuentena de responsables de defensorías universitarias [+Info.](#)



Estudantes do campus de Pontevedra.



Unha imaxe da segunda edición da feira.



O percorrido en barco partirá do peirao da Laxe ata chegar á Ecimat, en Toralla.

## A COMUNIDADE UNIVERSITARIA ÚNESE EN PROL DUNHA VIDA MÁIS SAUDABLE

M. DEL RÍO DUVI 04/10/2018

Segundo o Eurobarómetro 2018, un 46% da cidadanía europea non practica ningún deporte. Isto, unido aos hábitos alimenticios inadecuados e á vida sedentaria, xera un problema social e de saúde pública. As universidades non son alleas a esta situación e levan anos apostando por crear estratexias comúns que fomentan a vida activa e saudable entre o alumnado e o persoal, con proxectos de investigación, redes de colaboración e campañas de sensibilización, como a que se celebra este 4 de outubro, Día das Universidades Saudables. [+Info.](#)

## A FINDE.U ASPIRA A CONSOLIDARSE COMO O MAIOR REFERENTE DE EVENTOS DE INTERMEDIACIÓN LABORAL UNIVERSITARIA EN GALICIA

DUVI 04/10/2018

Máis de 2000 participantes e unhas 70 empresas prevese que participarán na terceira edición da Feira Internacional do Emprego Universitario, [Finde.U](#), que se celebrará no Ifevi de Vigo os días 23 e 24 de outubro. Organizada polas universidades de Vigo, Porto, Tras-os-Montes e Alto Douro e Católica Portuguesa, a feira arrancará en Porto unha semana antes, os días 16 e 17 de outubro, co obxectivo de “se consolidar como o maior referente en Galicia en canto a eventos de intermediación laboral universitaria”. [+Info.](#)

## ESGOTADAS AS 200 PRAZAS DISPOÑIBLES PARA ‘EMBARCARSE CO CIM’

DUVI 04/10/2018

Cando aínda faltan dous días para que arranquen as actividades do programa [Divulgando Ciencia Singular](#) xa se esgotaron as 200 prazas dispoñibles para participar en *Embárcate co CIM*, a actividade coa que o Centro de Investigación Mariña da Universidade de Vigo convida á cidadanía a realizar este sábado un percorrido en barco entre o peirao da Laxe e a illa de Toralla, paseo para o que teñen previsto a realización de múltiples actividades, tanto no propio barco como na Estación das Ciencias Mariñas, Ecimat. [+Info.](#)





García Soidan, Leirós e Romo.

## UN MANUAL ACTUALIZA O COÑECEMENTO DUN PROBLEMA DE SAÚDE QUE AFECTA A UNHA DE CADA TRES PERSOAS MAIORES

EDUARDO MUÑIZ DUVI PONTEVEDRA 05/10/2018

As alteracións do equilibrio que afectan a un de cada tres persoas maiores de 65 anos e á metade das maiores de 80, supoñen un problema crecente de saúde pública, como amosa o feito de que as caídas constitúan a segunda causa de morte por lesións non intencionais entre os maiores de 50 anos, segundo os datos da Organización Mundial da Saúde (OMS). Non obstante, a avaliación e tratamento de persoas maiores con deterioración do equilibrio constitúe un campo de investigación no que a día de hoxe persisten “lagoas de coñecemento”, como reconece a profesora da Facultade de Fisioterapia Raquel Leirós. [+Info.](#)

4



Rosendo Fernández, Esther de Blas, Susana Reboreda, Silvia González e Jessica Silveiras.

## O III CONGRESO INTERNACIONAL DA AUGA CONTARÁ CON 80 COMUNICACIÓNS E PÓSTERS DE INVESTIGADORES DE OITO PAÍSES

ROSA TEDÍN DUVI OURENSE 05/10/2018

“Abordar a temática da auga desde a perspectiva da historia, a arqueoloxía, a xeografía e a arte en diferentes territorios e sociedades”. Con este obxectivo presentouse este venres o [III Congreso Internacional da Auga](#), organizado no marco do proxecto de especialización do campus de Ourense como Campus da Auga. A cita, que se celebrará do 25 ao 27 de outubro, terá nesta edición como lema Auga, sociedade e territorio e durante os dous días de sesións que contempla a programación exporanse 80 comunicacións e pósters de expertos e expertas procedentes de oito países.



Edificio de Xerencia- Servizos Centrais.

## OS EDIFICIOS ADMINISTRATIVOS DO CAMPUS TERÁN NOME DE MULLER

Os tres edificios administrativos do campus de Vigo, Reitoría, Xerencia-Servizos Centrais e o anexo a Xerencia, terán nas próximas semanas nome propio. Estas instalacións, que na actualidade se denominan polos seus usos, pasarán a ser coñecidas polo nome dunha muller. Para iso, o equipo de goberno decidiu poñer en marcha unha consulta pública para que a comunidade universitaria poida elixir entre unha lista de figuras femininas destacadas, para así render homenaxe, mostrar e recuperar a memoria de mulleres que contribuíron ao desenvolvemento de Galicia. [+ Info.](#)



Rueda e Reigosa repasaron e afondaron no proxectos de colaboración que manteñen a administración autonómica e a institución académica.

## XUNTA E UNIVERSIDADE AFONDAN NA SÚA COLABORACIÓN EN PROXECTOS DE COOPERACIÓN TRANSFRONTEIRIZA

DUVI 05/10/2018

O vicepresidente da Xunta, Alfonso Rueda, e o reitor da Universidade de Vigo, Manuel Reigosa, mantiveron nas últimas horas unha xuntanza de traballo na que repasaron e afondaron nos proxectos de colaboración que manteñen a administración autonómica e a institución académica, fundamentalmente en materia de cooperación transfronteiriza. Un dos principais proxectos comúns neste eido son as prácticas laborais a través da Eurorrexión Galicia-Norte de Portugal, nas que participa alumnado de diversas especialidades da Universidade de Vigo, que é unha das máis activas dentro do programa de intercambio Iacobus. [+Info.](#)

5

## OITO CONFERENCIAS E OITO PELÍCULAS PARA SUSCITAR O DEBATE ARREDOR DA VIOLENCIA SEXUAL

DUVI OURENSE 08/10/2018

A Facultade de Dereito do campus de Ourense acollerá do 11 de outubro ao 20 de novembro unha nova edición do ciclo Pensar o Cine. A cita celebra este ano a súa décima edición e faino abordando un tema de debate na actualidade no eido social e xurídico como é o da violencia sexual. Serán oito as proxeccións e oito as conferencias doutros tantos expertos e expertas que abordarán cuestións relacionadas con esta violencia, desde a construción da masculinidade ata o consentimento. [+Info.](#)



Imaxe de A vida segrega das palabras, unha das películas que se proxectará.

## CIENCIA SINGULAR ACHEGA O DÍA A DÍA DO CIM A MÁIS DE 400 PERSOAS

DUVI 08/10/2018

Máis de 400 persoas participaron este sábado nas primeiras actividades de [Ciencia Singular](#), o programa de divulgación científica co que a Universidade busca dar a coñecer á sociedade o traballo levado a cabo nos tres centros singulares de investigación da universidade viguesa: o Centro de Investigación Mariña, CIM; o Centro de Investigacións Biomédicas, Cinbio, e Centro de Investigación en Tecnoloxías de Telecomunicación, atlanTTic. [+Info.](#)



A Ecimat abriu este sábado ao público as súas portas coa realización de múltiples actividades para a cidadanía.



A Escola Universitaria de Enfermaría acolle un seminario sobre identidades sexuais non normativas.  
Foto : Deputación de Pontevedra.

## UN SEMINARIO ACHEGA O ALUMNADO DE ENFERMARÍA Á REALIDADE E DIVERSIDADE DAS PERSOAS TRANSEXUAIS

DUVI PONTEVEDRA 09/10/2018

“A transexualidade sempre se ve como un problema, como algo ao que hai que darlle solución, e non como algo que forma parte da diversidade”, salienta Cristina Palacios, presidenta da asociación de familias de menores trans Arelas, responsable de achegar ao alumnado da Escola Universitaria de Enfermaría de Pontevedra á realidade e diversidade das persoas transexuais nun seminario que deu comezo este martes. Dotar ás e aos asistentes dunha serie de nocións introdutorias sobre as diferentes dimensións da diversidade sexual, darlles a coñecer unha serie de vivencias das e os menores transexuais e difundir boas prácticas no ámbito sanitario son tres dos obxectivos da actividade.

[+Info.](#)



Os profesores Meguel Ángel Nombela, Pío González e Ana Ulla protagonizan tres dos doce capítulos.

## A CIENCIA E A INVESTIGACIÓN DAN O SALTO A TVE2 COA SERIE 'UNIVERSO SOSTENIBLE'

M. DEL RÍO DUVI 09/10/2018

O impacto do cambio climático nas praias, a nanotecnoloxía e o coñecemento do universo. Estas son as tres achegas da Universidade de Vigo á serie *Universo Sostenible*, un espazo audiovisual semanal impulsado pola CRUE, en colaboración con Fecyt e Microsoft que emite a segunda canle de TVE. Este martes tivo lugar en Madrid a presentación da primeira temporada, da que xa se estrearon os seis primeiros capítulos, entre eles o protagonizado polo profesor Miguel Ángel Nombela. [+Info.](#)

## MULLER E MUNDO EMPRESARIAL, UNHA SIMBIOSE POSIBLE

M<sup>a</sup> CARMEN ECHEVARRÍA DUVI 09/10/2018

Cunha conferencia a cargo da socióloga, consultora e presidenta de honra da Federación Española de Mujeres Directivas y Empresarias, Pilar Gómez.-Acevo, comezou esta mañá a primeira das dúas xornadas de *O talento feminino SUMA*, unha iniciativa da Área de Emprego e Emprendemento da Universidade de Vigo na que participan preto de 50 estudantes, tituladas, PDI, PAS e persoal de departamentos de recursos humanos de empresas, co obxectivo de promover a diversidade de xénero e as boas prácticas en captación de talento feminino nas empresas. [+Info.](#)



Muller e mundo empresarial unha simbiose posible.





O comité ambiental do proxecto Green Campus aprobou o plan de acción para o presente curso.

## O PROXECTO GREEN CAMPUS DEFINE A SÚA FOLLA DE RUTA PARA ESTE CURSO

EDUARDO MUÑOZ DUVI PONTEVEDRA 10/10/2018

Desde finais de 2015, ondea no campus da Xunqueira a bandeira verde coa que Foundation for Environmental Education (FEE), a través da asociación Adeac (Asociación De Educación Ambiental y del Consumidor), distingue o labor en materia de educación e xestión ambiental de universidades e facultades. Un estandarte que é o resultado do proxecto Green Campus impulsado desde o campus pontevedrés, que este mércores definiu a súa follla de ruta para a presente curso, coa aprobación por parte do seu Comité Ambiental dun plan de acción que reúne preto de 60 medidas. [+Info.](#)



Alumnas e alumnos da materia Literatura HispanoamericanaI, coa profesora Carmen Luna.

## AS AULAS INTERXERACIONAIS SON XA UNHA REALIDADE NOS CAMPUS

D. BESADÍO DUVI 10/10/2018

Ángela Álvarez é unhas das alumnas de maior idade do [Programa Universitario de Maiores](#), experiencia na que que leva participando máis de 14 anos. Aos seus 86 anos, cada luns e mércores érguese ás sete da mañá, colle o autobús ao campus e ás nove está lista para comezar as súas clases na Facultade de Filoloxía e Tradución co resto das súas compañeiras e compañeiros, mozas e mozos da idade da súa neta cos que “conecto fantasticamente”, explica orgullosa. [+Info.](#)



Está formada por nove paneis.

## CAL É A ESCUSA DOS CLIENTES PARA NON RACHAR A CADEA DA PROSTITUCIÓN?

DUVI OURENSE 10/10/2018

A entrada do edificio Politécnico do campus de Ourense acolle esta semana a mostra *Escusas*, unha iniciativa de Médicos do Mundo que aborda o fenómeno da prostitución pondo o foco de atención nos argumentos dos demandantes de prostitución para consumir sexo de pago. A exposición recolle testemuños reais de homes que explican por que compran sexo e mulleres en situación de explotación sexual que expresan o que elas opinan deses homes. [+Info.](#)



Alfonso Mandado, Jorge Soto, Gustavo Loureiro e Manuel Morquecho.

## UNHA OFERTA DEPORTIVA ABERTA Á SOCIEDADE

DUVI PONTEVEDRA 10/10/2018

Múltiples propostas de deporte e saúde dirixidas tanto á comunidade universitaria como ao conxunto da cidadanía integran a oferta de actividades impulsadas para o presente curso pola [Área de Benestar, Saúde e Deporte da Universidade](#) no campus pontevedrés. Unha oferta de actividades que nesta xornada foi presentada na sede da Vicerreitoría do campus e composta ademais de polo abono que permite o acceso ás instalacións e servizos do Pavillón Universitario, por actividades dirixidas, rutas culturais, actividades no medio natural e competicións internas, ás que se suman á súa vez os servizos de fisioterapia e medicina deportiva. [+Info.](#)



O Máster en Xestión e Desenvolvemento Sostible entregou o 6º prenio Eva Paz.

## O PAPEL CLAVE DA MULLER NUN PLANETA SUPERPOBOADO, NO QUE A PAZ E A LIBERDADE ESTÁN EN XOGO

M<sup>a</sup> CARMEN ECHEVARRÍA DUVI 10/10/2018

*Evaluación de la eficiencia de nuevos desemulsionantes en la valorización de residuos Marpol* é o título do Traballo Fin de Mestrado co que a bióloga Elisa Graña gañou o 6º premio Eva Pérez o mellor TFM do Máster en Xestión de Desenvolvemento Sostible. O galardón, que homenaxea á estudante do mestrado Eva Pérez, falecida no accidente ferroviario de Angrois en 2013, entregouse este mediodía nun acto celebrado na sala I do Edificio Miralles. [+Info.](#)



Parte do alumnado implicado, co profesor Tejo, a decana de Belas Artes, Silvia García, e a directora da Unidade de Igualdade, Águeda Gómez.

## IMAXES QUE ROMPEN OS MOLDES DA ORDE SEXUAL IMPOSTA

M. DEL RÍO DUVI 10/10/2018

19 fotografías, 19 xeitos de rachar cos roles de xénero, 19 propostas para amosar realidades discrepantes e creativas que rompen a orde sexual imposta. Detrás destas visións están outros tantos estudantes da Facultade de Belas Artes que dan forma á segunda edición da mostra *Sen Moldes*, que se pode visitar deste hoxe mércores no Centro Comercial de Cidade Universitaria.





Imaxe do percorrido.



Participantes neste encontro.



O ciclo de conversas en empresariais, que inclúe relatorios, mesas redondas e proxeccións.

## A PRIMEIRA RUTA CULTURAL DESTE CURSO SERÁ POR BAÑOS DE MOLGAS

DUVI OURENSE 11/10/2018

A programación de rutas culturais do curso 2018/2019, organizada pola Área de Benestar, Saúde e Deporte da Universidade de Vigo, arranca o sábado 20 de outubro cun percorrido por Baños de Molgas, en Ourense, no que se mesturará historia e saúde. Aínda que especialmente dirixidas á participación da comunidade universitaria, estas andainas universitarias están abertas á cidadanía.[+Info.](#)

## UN PROXECTO EUROPEO INTERÉSASE POLO ESTUDO SOBRE OS INCENDIOS DE 2017 QUE LIDERA A EE FORESTAL

DUVI PONTEVEDRA 11/10/2018

Máis de 50 expertos e expertas procedentes de 15 países reúnen-se desde este xoves no *pan-European Workshop on Wind, Storm and Forests*, que promove na localidade alemá de Friburgo o European Forest Institute (EFI). Trátase da primeira das reunións de traballo impulsadas ao abeiro do proxecto *Sure (Sustaining and Enhancing Resilience of European Forests)* que o EFI promove xunto co Ministerio de Agricultura e Alimentación alemán e que ten entre os seus propósitos o desenvolvemento da *European Forest Risk Facility*.[+Info.](#)

## A EUE EMPRESARIAIS CONVIDA A REFLEXIONAR SOBRE AS MEDIDAS PRECISAS PARA ACADAR IGUALDADE LABORAL ENTRE MULLERES E HOMES

DUVI 11/10/2018

As *Conversas en Empresariais* regresan á Universidade, desta volta, para debater sobre o traballo das mulleres, nunha xornada organizada pola Escola Universitaria de Estudos Empresariais e patrocinada pola Unidade de Igualdade da Universidade de Vigo. Ao longo da xornada deste xoves, e a través de mesas redondas e proxeccións, expertas e especialistas na materias analizaron as eivas do mundo profesional dende o punto de vista da igualdade e debateron e propuxeron políticas para favorecer a igualdade de xénero na contorna laboral.[+Info.](#)



Exeria, Ernestina Otero e Filomena Dato darán nome aos edificios administrativos do campus.

## EXERIA, ERNESTINA OTERO E FILOMENA DATO DARÁN NOME AOS EDIFICIOS ADMINISTRATIVOS DO CAMPUS

DUVI 15/10/2018

Tras unha semana de votación nas redes sociais, a Universidade de Vigo xa coñece os novos nomes para os edificios administrativos do campus de Vigo. Xerencia-Servizos Centrais pasará a chamarse Exeria; a Reitoría levará o nome de Ernestina Otero e o Anexo a Xerencia será coñecido co nome de Filomena Dato. En total, como explica a vicerreitora de Comunicación e Relacións Institucionais, Mónica Valderrama, “entraron en contacto entre o visionado de historias de Instagram, impresións de Twitter e máis a interacción directa en Facebook un total 20.289 persoas”. Neste sentido, dende o equipo de goberno amósanse moi satisfeitos “coa participación, implicación e interese por parte da comunidade universitaria nesta iniciativa”. En total emitíronse 2195 votos, sendo Facebook a plataforma na que participaron máis persoas. [+Info.](#)

10



A sexualidade, protagonista da nova xeira dos Martes Saudables.

## A SEXUALIDADE, PROTAGONISTA DA NOVA XEIRA DOS MARTES SAUDABLES

ROSA TEDÍN DUVI OURENSE 16/10/2018

Este martes arrancou no edificio Xurídico-Empresarial do campus de Ourense unha nova xeira dos Martes Saudables, iniciativa destinada a fomentar a saúde integral da comunidade universitaria. Ao longo do seu percorrido polos tres campus da Universidade de Vigo durante este primeiro cuadrimestre, as persoas interesadas poderán realizar neles unha avaliación da súa saúde e do seu estilo de vida e recibir información e recomendacións sobre como melloralas. “Trátase de mellor os hábitos de vida da comunidade universitaria para contribuír ao seu benestar integral”, comentou Rodrigo Alberte Pivida, responsable da Área de Benestar, Saúde e Deporte no campus de Ourense.

# XORNADAS

## *Muller e traballo na era dixital*

18 de outubro de 2018  
Facultade de Ciencias  
Económicas e Empresariais  
Campus de Vigo

19 de outubro de 2018  
Facultade de Dereito  
Campus de Ourense



## O TRABALLO DA MULLER NA ERA DIXITAL E A SENTENCIA DE LA MANADA, A DEBATE NOS CAMPUS DE VIGO E OURENSE

DUVI OURENSE 16/10/2018

Os campus de Vigo e Ourense compartirán en vindeiras datas dúas xornadas organizadas por profesorado da Facultade de Dereito nas que se abordarán dúas cuestións de actualidade e/ou controversia tanto xurídica como social, como é o caso do traballo muller na era dixital e a sentenza de La Manada. En ambos casos, as xornadas xorden no marco do desenvolvemento de proxectos de investigación con financiamento estatal, do Ministerio de Ciencia, Innovación e

11

## UN INFORME AVOGA POR AMPLIAR A COOPERACIÓN ENTRE GALICIA E PORTUGAL PARA FACER FRONTE AOS LUMES FORESTAIS

DUVI PONTEVEDRA 17/10/2018

Con máis de 1,5 millóns de habitantes e unha extensión de preto dun millón de hectáreas, das que case 200.000 forman parte de espazos naturais protexidos, a área transfronteiriza entre Galicia e o norte de Portugal constitúe unha zona de alta riqueza forestal, pero tamén un área xeográfica que sofre “anualmente milleiros de incendios” e que forma parte dun territorio susceptible de verse afectado por grandes lumes forestais. [+Info.](#)

## O IMPACTO ECONÓMICO DO CAMPUS DE OURENSE NA PROVINCIA ASCENDE A SETE MILLÓNS DE EUROS ANUAIS

DUVI OURENSE 17/10/2018

21 millóns de euros en total, cunha media anual de sete millóns de euros. Esta é a estimación do impacto económico xerado polo Campus de Ourense-Campus da Auga no período 2014/2016 segundo un estudo feito por investigadoras e investigadores da Facultade de Ciencias Empresariais e Turismo. O seu traballo sobre a repercusión económica da institución académica no desenvolvemento da provincia, indican, constitúe o primeiro deste tipo que se realiza no Sistema Universitario de Galicia. [+Info.](#)



Picos, García e Vázquez Mao. Foto: Eixo Atlántico.



Patricio Sánchez, Jesyca Salgado e Elena Gallego (na Imaxe) e Ángel Barajas son os autores do estudo.





Vista das e dos asistentes ás xornadas.

## É A CUARTA ONDA A CIBERFEMINISTA?

M<sup>a</sup> DEL CARMEN ECHEVARRÍA DUVI 17/10/2018

Ás do século das Luces, á do sufragismo e á que se produciu a mediados do século XX, cómpre engadir unha cuarta onda feminista, ou mesmo ciberfeminista? O impacto que as redes sociais e nomeadamente movementos como *#Me Too*, *#I believe you*, *#Just all we women* están a ter no feminismo contemporáneo, centrou a conferencia plenaria da especialista en estudos de xénero da Universidad de Cantabria Andrea Ruthven na xornada *Cuarta onda feminista? Activismo e representacións de xénero na cultura contemporánea*, celebrada hoxe na Facultade de Filoloxía e Tradución. [+ Info.](#)

12



As autoridades no posto da UVigo na feira. Egidio Santos/ U. Porto.

## A EDICIÓN PORTUGUESA DA FINDE.U REÚNE 150 EMPRESAS

DUVI 17/10/2018

150 entidades, entre empresas, asociacións profesionais e organismos públicos, participan entre onte martes e hoxe na Finde.U, Feira Internacional de Emprego Universitario, que se está a celebrar en Porto. A esta edición portuguesa sucederá a vindeira semana próxima a de Vigo, os días 23 e 24, no Ifevi. [+ Info.](#)



Representantes de Amencer-Aspace e Fundación Juan XXIII mantiveron un coloquio co alumnado.

## CCSS E DA COMUNICACIÓN CONVIDA AO ALUMNADO A MIRAR NOS SEUS TRABALLOS CIRA INICIATIVAS SOCIAIS

EDUARDO MUÑIZ DUVI PONTEVEDRA 18/10/2018

Achegar ao alumnado ao labor que desenvolven en Pontevedra diferentes colectivos e, ao mesmo tempo, convidalos e convidalas a que pensen nestas iniciativas sociais como posible temática para os seus traballos académicos eran os dous obxectivos do coloquio que este xoves chegou á Facultade de Ciencias Sociais e da Comunicación a representantes das asociacións Amencer-Aspace e Juan XXIII. [+Info.](#)



Eva María Blázquez, M<sup>a</sup> Carmen López, Marta Fernández, Francisca Fernández Prol e Consuelo Ferreiro durante a xornada

## FORMACIÓN SEN ESTEREOTIPOS E CORRESPONSABILIDADE, VÍAS PARA MELLORAR A SITUACIÓN LABORAL DA MULLER NA ECONOMÍA DIXITAL

ROSA TEDÍN DUVI OURENSE 19/10/2018

Os campus de Vigo e Ourense acolleron esta semana unhas xornadas que baixo o título *Muller e traballo na era dixital* tiveron como obxectivo abordar os retos de xénero que supón a economía 4.0. Tres expertas en Dereito do Traballo e da Seguridade Social puxeron o aceno nos riscos de precarización que poden significar as novas formas de traballo para a muller e como se trasladan a elas discriminacións do modelo tradicional. [+Info.](#)

13



## NOVA CITA NO CAMPUS COA RECICLAXE DE APARELLOS ELECTRÓNICOS

DUVI PONTEVEDRA 19/10/2018

No marco das actividades do proxecto Green Campus, a Vicerreitoría impulsa o vindeiro luns 22 a oitava edición da Semana de Recollida de RAEE (Residuos de Aparatos Eléctricos e Electrónicos), na que se instalarán nas diferentes facultades e escolas, así como na Casa das Campás, no Pavillón Universitario e na Escola Infantil do campus, puntos de recollida nos que a comunidade universitaria poderá depositar todo tipo de dispositivos que funcionan con electricidade, pilas e baterías, e que, polas súas características contaminantes, precisan dun tratamento específico como residuos. [+Info.](#)



Un intre dos experimentos da xornada Un día no Cinbio.

## O CINBIO ABRE AS SÚAS PORTAS A CATIVOS E MAIORES

DUVI 19/10/2018

Ver o ADN dos chícharos, analizar órganos de animais e tinguiños para poder velos no microscopio ou coñecer pautas básicas para unha nutrición saudable... Estes son algúns dos experimentos que unha vintena de rapaces e rapazas de 6º de Primaria do CEIP García Barbón realizaron ao longo da mañá deste venres no marco da xornada *Un día no Cinbio*. Trátase dunha iniciativa que ten como finalidade visibilizar o papel deste centro como polo de desenvolvemento biosanitario para mellorar a saúde da cidadanía e, ao mesmo tempo, transmitir os valores igualitarios entre o alumnado de primaria e fomentar a normalización e visualización do papel da muller na ciencia. [+Info.](#)



Un intre do acto de graduación celebrado na EU de Estudos Empresariais.



Anabel Gulías e Pedro Figueróa.



Os galardoados cos Atlantic Project Awards.

## EMOTIVA GRADUACIÓN 'DOS MAIORES' DA UNIVERSIDADE

D. BESADÍO DUVI 22/10/2018

Tras anos de duro traballo, de algún que outro atranco e de moitísimas satisfaccións derivadas da volta ás aulas, este venres celebrouse na EU de Estudos Empresariais o acto de graduación do alumnado do Programa Universitario de Maiores: 20 alumnas e alumnos da XIV promoción de titulados/as universitarios sénior, estudantes que acaban de rematar o ciclo intensivo do programa, e 13 da XII promoción de titulados/as superiores sénior, que completaron xa o ciclo integrado, no que tiveron a oportunidade de compartir clases e experiencias co resto do alumnado universitario. [+Info.](#)

## PONTEVEDRA SÍTÚASE Á FRONTE DAS SETE CIDADES GALEGAS NOS PRINCIPAIS INDICADORES DE POBOACIÓN

EDUARDO MUÑIZ DUVI PONTEVEDRA 23/10/2018

Con respecto ás sete cidades galegas, Pontevedra continuou sendo en 2017 a que presentaba unha idade media máis baixa, de 43,5 anos, a que conta coa porcentaxe de poboación de entre 0 e 20 anos máis elevada, o 19%, e a urbe na que a porcentaxe de poboación de máis de 64 anos, o 19,3%, é menor. Estes son algúns dos datos recollidos no adianto do informe correspondente ao ano 2017 do Observatorio Urbano de Pontevedra. [+Info.](#)

## EUROPA RECOÑECE O ESFORZO DO CENTRO DE INVESTIGACIÓN MARIÑA DA UNIVERSIDADE PARA SE CONVERTER NUN REFERENTE INTERNACIONAL

M<sup>a</sup> DEL CARMEN ECHEVARRÍA DUVI 23/10/2018

Vigo acolle hoxe e mañá a 5<sup>a</sup> Atlantic Stakeholder Platform Conference, unha xuntanza anual na que se reúnen decenas de axentes interesados na Estratexia Atlántica Europea, co obxectivo de buscar formas de cooperación, intercambiar información e identificar oportunidades financeiras e socios potenciais para os seus negocios. Aprobado no ano 2013 pola Comisión Europea, o *Atlantic Action Plan* (AAP) é o plan deseñado para desenvolver. [+Info.](#)





María Jesús Rosado e Francisco García.

## A IGUALDADE ENTRE AS PERSOAS PASA POR DESMONTAR “OS ATRIBUTOS DE XÉNERO”

EDUARDO MUÑIZ DUVI PONTEVEDRA 24/10/2018

“Os homes non son conscientes da súa situación dentro do patriarcado”, salienta a investigadora María Jesús Rosado, presidenta da Fundación IS+D para la Investigación Social Avanzada e coautora, xunto co catedrático da Universidad Complutense de Madrid Francisco García, de *Hacia un Feminismo del Punto Medio*, o libro que este mércores presentaron na Facultade de Ciencias Sociais e da Comunicación no marco dun coloquio dirixido a formar ao alumnado na aplicación da perspectiva de xénero no seu traballo. [+Info.](#)

15



O profesor de Autónoma de Madrid Pablo de Lora, á dereita.

## “A DIFICULTADE DE PROBAR OS FEITOS, A SÚA CUALIFICACIÓN XURÍDICA E A PRESUNCIÓN DE INOCENCIA FAN QUE O CASO DA MANADA SEXA MOI COMPLEXO”

DUVI 25/10/2018

Xusto o día no que se coñecía a expulsión das Forzas Armadas do militar da Manada, Alfonso Jesús Cabezero, os campus de Ourense e Vigo acollían a primeira sesión das Xornadas Feminismo e teoría do dereito. A sentenza de La Manada a debate. Trátase dunha iniciativa posta en marcha polo profesor da Universidade de Vigo, Pablo Bonorino co patrocinio da Unidade de Igualdade, e orientada ao alumnado coa finalidade de que poida debater e coñecer a opinión de dous expertos que teñen amosado publicamente con anterioridade dúas posturas ben diferentes sobre a sentenza. [+Info.](#)



## A COOPERACIÓN UNIVERSITARIA AO DESENVOLVEMENTO ANTE A AXENDA 2030

UNIVERSIDADE 25/10/2018

A Vicerreitoría de Responsabilidade Social, Igualdade e Cooperación organiza as xornadas “A cooperación universitaria ao desenvolvemento ante a Axenda 2030” no marco do traballo da Rede Galega de Cooperación ao Desenvolvemento, conformada polas Universidades da Coruña, Santiago de Compostela e Vigo, e co apoio da Dirección Xeral de Relacións Exteriores e coa Unión Europea da Xunta de Galicia. [+Info.](#)



A terceira edición da Finde. U pechouse con máis de 1000 participantes.

## A TERCEIRA EDICIÓN DA FINDE.U PECHOUSE CON MÁIS DE 1000 PARTICIPANTES

DUVI 26/10/2018

Tras dous días de contactos, entrega de currículos, ponencias e obradoiros, a Finde.U baixou o pano con cifras que confirman que se está a consolidar como un referente en Galicia en canto a eventos de intermediación laboral universitaria. A Feira Internacional de Emprego desenvolveuse entre os días 23 e 24 no Ifevi de Vigo e, ao longo das dúas xornadas, pasaron polo recinto feiral máis de 1000 estudantes e persoas egresadas do sur de Galicia e o norte de Portugal que tiveron a oportunidade de ter un primeiro contacto co mundo empresarial a través das 70 empresas presentes no evento. [+Info.](#)

16



Obra de Delio e Noël en Ordes.

## A UNIVERSIDADE PARTICIPA NA PRIMEIRA INICIATIVA INTERNACIONAL DE CONSERVACIÓN E RESTAURACIÓN DA ARTE URBANA

M<sup>a</sup> DEL CAMEN ECHEVARRÍA DUVI 29/10/2018

O seu carácter efémero e a súa desprotección de tutela de conservación, son os trazos máis salientables da arte urbana, unha manifestación artística contemporánea independente, que converte o espazo público no que se produce nun lugar para a experiencia e o diálogo artístico-social. Dentro do amplo abano de expresións que se encadran na arte urbana, nos últimos anos estase a potenciar unha modalidade comisionada ou regulada, ben por administracións públicas, movementos artísticos ou sociais, no que se encadra o muralismo contemporáneo. [+Info.](#)



Alexandra Kahn-Johnston, Natalia Caparrini, Javier Pérez e Amelia Rodríguez.

## A DIRECTORA DE PROGRAMAS DE ISEP COS PAÍSES DA EUROPA DO SUR VISITA O CAMPUS

M<sup>a</sup> DEL CARMEN ECHEVARRÍA DUVI 29/10/2018

Desde a súa adhesión ao programa ISEP no ano 2000, a Universidade de Vigo envía e recibe cada ano o equivalente a 15 estudantes de curso completo. “O International Student Exchange Programme é o programa de intercambio de alumnado xeograficamente máis ambicioso”, explica Amelia Rodríguez, directora técnica da Oficina de Relacións Internacionais da Universidade de Vigo, ORI, que lembra que ISEP dispón dunha rede de máis de 200 universidades seleccionadas por ISEP central de EEUU na maior parte dos países do mundo. [+Info.](#)



Imaxe da actividade celebrada en Ourense.

## ARREDOR DE 120 PERSOAS ACHEGÁRONSE A “INVESTIGAR” CO CINBIO

DUVI OURENSE 29/10/2018

Dentro do programa Divulgando Ciencia Singular e baixo o lema *Cinbio conCiencia. Investiga connosco*, o Centro de Investigacións Biomédicas da Universidade de Vigo, Cinbio, organizou esta fin de semana dúas xornadas de portas abertas: unha o venres 26 de outubro na sede do centro, no campus de Vigo, e outra o sábado 27 no edificio Politécnico do campus de Ourense. Arredor de 120 persoas se achegaron a coñecer de primeira man a investigación que realizan as e os investigadores deste centro nunha e noutra cidade. [+Info.](#)

17



Preto de 50 estudantes participaron nestas unidades nos últimos meses.

## AS UNIDADES DE VOLUNTARIADO DE FISIOTERAPIA PRESTARON MÁIS DE 500 ASISTENCIAS NOS ÚLTIMOS MESES

DUVI PONTEVEDRA 29/10/2018

Unha oportunidade para poñer en práctica, con casos reais, os coñecementos adquiridos na súa formación académica é o que supón para o alumnado de Fisioterapia a participación nas unidades de voluntariado coas que a facultade colabora con diferentes actividades e eventos deportivos. Dez alumnos e alumnas da titulación colaboraron este domingo coa IV Carreira Solidaria pola Esclerose Múltiple que a asociación Avempe desenvolveu en Vigo e preto de 50 teñen tomado parte nesta iniciativa nos últimos meses. [+Info.](#)




No workshop da rede Bioagua, que aglutina grupos de investigación das tres universidades.

## ESPECIALISTAS ALERTAN DE QUE OS MICROPLÁSTICOS AFECTAN A TODOS OS ELOS DA CADEA TRÓFICA

DUVI 30/10/2018

Galicia é unha terra de mar, un recuncho do mundo no que a auga, o océano, as rías e os ríos son centrais no eido social, cultural, económico e tamén educativo. Así o explicaba a vicerreitora de Responsabilidade Social, Igualdade e Cooperación, María Isabel Doval, na apertura do workshop Bioauga 2018, unha rede que naceu en 2014 e aglutina grupos de investigacións das tres universidades co obxectivo común de avanzar na resolución da problemática ambiental relacionada cos recursos hídricos degradados no territorio e o tratamento de augas. [+Info.](#)





Gonzalo Álvarez, Jesús Simal e Michael Marcelo Araya.

## DE CHILE A OURENSE PARA POTENCIAR A INVESTIGACIÓN EN ACUICULTURA

ROSA TEDÍN DUVI OURENSE 30/10/2018

Este martes a Facultade de Ciencias do campus de Ourense acolleu a primeira xornada que este curso académico organiza a rede Aqua-Cibus, liderada desde este centro polo catedrático Jesús Simal. Dous profesores da Universidad Católica del Norte, de Coquimbo, Chile, explicaron o traballo que realizan no eido da acuicultura, sector no que o seu país está entre os principais produtores mundiais, co obxectivo de fomentar a colaboración no eido da investigación. [+Info.](#)

18

---

## UNIVERSIDADE DE VIGO

### Unidade de Análisis e Programas.

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640